

156. gr.

Ákvæði til bráðabirgða.

Þrátt fyrir gildistökuákvæði reglugerðar þessarar kemur ákvæði 3. gr. hennar ekki til framkvæmda fyrr en lokið hefur verið við uppreikning áfallinna skuldbindinga og skiptingu eigna sem tilheyra hvorri deild fyrir sig, A- og B-deild, sem frá upphafi hafa verið reknar sem ein deild.

Skiptingu eigna og skuldbindinga skal lokið eigi síðar en 31. desember 1998. Skal tillaga stjórnar þar að lútandi vera lögð fyrir ársfund þess árs eða aukafund skv. 20. gr. ef henta þykir.

Þegar frá gildistöku þessarar reglugerðar skal skrá greidd iðgjöld og réttindi sérstaklega, eftir því hvort þau tilheyra A- eða B-deild sjóðsins.

Með tilvísun til laga nr. 55/1980 staðfestist reglugerð þessi hér með.

Fjármálaráðuneytinu, 25. júní 1998.

F. h. r.

Áslaug Guðjónsdóttir.*Margrét Gunnlaugsdóttir.***GJALDSKRÁ****fyrir sorphirðu í Bæjarhreppi, Strandasýslu**

1. gr.

Hreppsnefnd Bæjarhrepps er heimilt að leggja á sérstakt sorphirðugjald (sorphreinsi- og sorpeyðingargjald) sem innheimt er með fasteignagjöldum.

2. gr.

Gjaldið er árlega sem hér segir:

A. Íbúðarhús í þéttbýli kr. 5.000.

B. Lögbylí greiði kr. 5.000.

Heimilt er þó að veita afslátt kr. 2.500 þeim heimilum þar sem sorp er að jafnaði minna en einn poki hálfsmánaðarlega.

C. Sumarhús greiði kr. 2.000.

D. Fyrirtæki, stofnanir, félög og aðrir sambærilegir lögaðilar greiði gjald er miðist við magn úrgangs og er samkvæmt eftirfarandi flokkum:

Flokkur	kr.	Flokkur	kr.
1	4.000	5	72.000
2	8.000	6	150.000
3	25.000	7	200.000
4	48.000		

Hreppsnefnd skipar aðilum í gjaldflokka. Heimilt er að fella niður sorphirðugjald samkvæmt staflíð D, af aðilum sem annast sjálfir flutning á viðurkenndan eyðingarstað enda greiði aðilar fyrir eyðingu úrgangsins.

3. gr.

Gjaldskrá þessi sem samin er og samþykkt af hreppsnefnd Bæjarhrepps er hér með staðfest samkvæmt 25. gr. laga nr. 7/1998 um hollustuhætti og mengunarvarnir, til þess að öðlast þegar gildi.

Umhverfísráðuneytinu, 7. október 1998.

F. h. r.

Ingimar Sigurðsson.

Sigurbjörg Sæmundsdóttir.

SKIPULAGSSKRÁ

**fyrir minningarsjóð Sigurðar Óskars Sigvaldasonar
frá Gilsbakka í Öxarfirði, N-Þing.**

1. gr.

Í samræmi við vilja Sigurðar Óskars Sigvaldasonar frá Gilsbakka í Öxarfirði, N-Þing. fyrrverandi leigubifreiðarstjóra, f. 6. desember 1908, d. 15. júlí 1998, síðast með lögheimili að Fellsmúla 14 í Reykjavík, stofna undirritaðir minningarsjóð.

Sjóðurinn heitir Minningarsjóður Sigurðar Óskars Sigvaldasonar.

2. gr.

Tilgangur sjóðsins er í samræmi við erfðaskrá Óskars að reisa og viðhalda minnismerki um foreldra hans, Sigurlaugu Jósefsdóttur og Sigvalda Sigurgeirsson, sem bjuggu á Gilsbakka í Öxarfirði, N-Þing.

3. gr.

Stofnfé sjóðsins er:

Íbúð á 1. hæð að Fellsmúla 14 í Reykjavík, að fasteignamati kr. 4.173.000.

Af stofnfé sjóðsins má ekki skerða kr. 471.000.

4. gr.

Tekjur sjóðsins eru vaxtatekjur af stofnfé og annað fé, sem sjóðnum kann að áskotnast, ásamt höfundarlaunum vegna ljósmynda í vörslu Ljósmyndasafns Reykjavíkur samkv. samningi þar að lútandi.

Nettótekjum sjóðsins skal varið til viðhalds minnismerkis.

5. gr.

Stjórn sjóðsins skipa 3 ættingjar Óskars, sem nefndir eru tilsjónarmenn minnismerkisins í erfðaskrá hans. Stjórn sjóðsins skiptir með sér verkum.

Verði sjóðurinn án stjórnar eða stjórn hans ekki fullskipuð á einhverjum tíma, skipa systkinabörn Óskars og að þeim frágengnum, niðjar þeirra, nýja stjórnarmenn.

Stjórnarmaður skal víkja úr sæti ef bú hans er tekið til gjaldþrotaskipta eða hann gerist sekur um verknað, sem gerir hann óverðugan til að sitja áfram í stjórn sjóðsins.